

窮怪錄
飛燕遺事
隋遺錄

趙飛燕外傳
漢雜事秘辛



飛
燕
遺
事

撰人不詳

中
華
書
局

飛燕遺事

趙飛燕女弟居昭陽殿。中庭彤朱。而殿丹漆。砌皆銅。沓黃金塗。白玉階。壁帶。往往爲黃金鉤。含藍田璧。明珠翠羽飾之。上設九金龍。皆銜九子金鈴。五色流蘇。帶以綠文紫綬。金銀花鐺。每好風日。幡旒光影。照耀一殿。鈴鐺之聲。驚動左右。設木畫屏。風文如蜘蛛絲縷。玉几玉牀。白象簾。綠熊席。席毛長二尺餘。人眠而擁毛自蔽。望之不能見。坐則沒膝。其中雜熏諸香。一坐此席。餘香百日不歇。有四玉鎮。皆達照無瑕缺。窓扉多是綠琉璃。亦皆達照。毛髮不得藏焉。椽桷皆刻作龍蛇。蟠繞其間。鱗甲分明。見者莫不兢慄。匠人丁緩李菊。巧爲天下第一。締構旣成。尙其姊子樊延。

其二

趙后體輕腰弱。善行步進退。女弟昭儀不能及也。但昭儀弱骨豐肌。尤工笑語。二人並色如紅玉。爲當時第一。皆擅寵後宮。

其三

趙飛燕爲皇后。其女弟在昭陽殿。遣飛燕書。今日嘉辰。貴姊懋膺洪冊。謹上櫺三十五條。以陳踊躍之心。金華紫輪帽。金華紫羅面衣。織成上襦。織成下裳。五色文綬。鴛鴦襦。鴛鴦被。鴛鴦褥。

金鵲繡鐘 七寶綦履 五色文玉環 同心七寶釵 黃金步搖 合歡圓瑤 琥珀枕 龜文枕
珊瑚珎 瑪瑙彌 雲母扇 孔雀扇 翠羽扇 九華扇 五明扇 雲母屏風 琉璃屏風 五層
金博山香爐 迴風扇 椰葉席 同心梅 合枝李 青木香 沉水香 香螺卮 九真雄麝香
七枝鐙

其四

慶安世年十五爲成帝侍郎。善鼓琴。能爲雙鳳離鸞之曲。趙后悅之。自上得出入御內。絕見愛幸。嘗着輕
絲履。招風紫綈裘。與后同居處。欲有子而終無育嗣。趙后自以無子。常託以禱祈。別開一室。自左右侍婢
以外。莫得至者。上亦不得至焉。以耕車載輕薄少年。爲女子服。入後宮者。日以十數。與之淫通。無時休息。
有疲息者。輒差代之。而卒無子。

其五

趙后有寶琴曰鳳凰。皆以金玉隱起爲龍鳳螭鸞古賢列女之象。亦善爲歸風送遠之操。

其六

帝常以三秋閑日。與飛燕戲於太液池。以沙棠木爲舟。貴其不沉沒也。以雲母飾於鵲首。一名雲舟。又刻
大桐木爲虬龍。雕飾如真。以夾雲舟而行。以紫桂爲柂橈。及觀雲棹水。玩擲菱蕖。帝每憂輕薄。以驚飛燕。
命飲飛之士。以金鎖纒雲舟於波上。每輕風時至。飛燕殆欲隨風入水。帝以翠纒結飛燕之裙。常怨曰。妾

微賤何復得預纓裙之遊。今太液池尙有避風臺。卽飛燕結裙之處。

其七

成帝好微行。於太液池傍起宵遊宮。以漆爲柱。鋪黑梯之幕。器服乘輿。皆尙黑色。旣悅於暗行。僧燈燭之。照宮中美御。皆服皂衣。自班婕妤已下。咸帶立綬簪珮。雖如錦繡。更以木蘭紗綃罩之。至宵遊宮。乃秉燭宴幸。旣罷。靜鼓自舞。而步不揚塵。